

O‘zbekiston Respublikasi Favqulodda vaziyatlar vazirining asosiy vazifalari:

favqulodda vaziyatlarni bartaraf etish, axoli xayoti va salomatligini, moddiy va ma’naviy qadriyatlarini muhofaza qilish, shuningdek, tinchlik va urush vaqtida favqulodda vaziyatlar vujudga kelganda ularning oqibatlarini tugatish hamda zararlarini kamaytirish sohasida davlat siyosatini ishlab chikish va amalga oshirish;

favqulodda vaziyatlarning oldini olish va bunday hollardagi xatti-xarakatlarni boshqarishning davlat tizimi (FVDT) ni tashkil etish va faoliyatini ta’minlash;

O‘zbekiston Respublikasi fuqaro muxofazasiga raxbarlik qilish;

O‘zbekiston Respublikasi hududida aholini, mamlakat hududini, respublikaning milliy boyligi bo‘lgan ob‘ektlarni muxofaza qilish, shuningdek, favqulodda vaziyatlarning oldini olish va ularning oqibatlarini bartaraf etish sohasidagi chora-tadbirlarni ishlab chiqishni tashkil qilish hamda amalga oshirish;

vazirliklar, idoralar, Qoraqalpog‘iston Respublikasi Vazirlar Kengashi, viloyatlar, shaharlar va tumanlar xokimliklarining aholini va milliy boyluklarni muhofaza qilish, avariya, halokatlar va tabiiy ofatlar tufayli vujudga kelgan favqulodda vaziyatlarning oldini olish va ularni bartaraf etishga doir faoliyatini muvofiqlashtirib borish;

yirik favqulodda vaziyatlarni bartaraf etish ishlariga rahbarlik qilish, ushbu maqsad uchun zarur bo‘lgan kuch va vositalarni tashkil etish va ularning tayyorligini ta’minlash;

favqulodda vaziyatlarni bartaraf etishga, axolini, mamlakat hududini muhofaza qilishga hamda favqulodda vaziyatlar vujudga kelgan taqdirda xalq xo‘jaligi ob‘ektlari faoliyat ko‘rsatishining barqarorligini oshirishga karatilgan maqsadli va ilmiy-texnik dasturlarni ishlab chiqishni tashkil etish va amalga oshirish;

moliya, oziq-ovqat, tibbiyot va moddiy-texnika resurslarining davlat favqulodda zaxira fondlarini tashkil etishga doir ishlarni muvofiqlashtirib borish;

aholini, FVDT mansabdor shaxslarini va tuzilmalarini favqulodda vaziyatlardagi harakatlarga tayyorlashni tashkil etish;

vazirlik vakolatiga kiradigan masalalar bo'yicha halqaro hamkorlikni tashkil etish.

O'zbekiston Respublikasi Favqulodda vaziyatlar vazirligining huquqlari:

vazirliklar, idoralar, uyushmalar, Qoraqalpog'iston Respublikasi Vazirlar Kengashi, viloyatlar, shaharlar va tumanlar hokimliklari, mulkchilik shakllaridan qat'iy nazar, korxonalar, muassasalar va tashkilotlar, mansabdor shaxslar va fuqarolar bajarishi majburiy bo'lgan fuqaro muhofazasi, favqulodda vaziyatlar, avariya va halokatlarning oldini olish va ularning oqibatlarini bartaraf etish bo'yicha ishlarni tashkil qilish va muvofiqlashtirib borish uchun zarur bo'lgan qarorlarni belgilangan tartibda, o'z vakolati doirasida qabul qilish va ularning bajarilishini nazorat qilish;

vazirliklar, idoralar, Qoraqalpog'iston Respublikasi Vazirlar Kengashi va hokimliklardan, mulkchilik shakllaridan qat'iy nazar, korxonalar, muassasalar va tashkilotlardan Vazirlikka yuklangan vazifalarni bajarish uchun zarur bo'lgan axborot va ma'lumotlarni belgilangan tartibda talab qilish va olish;

vazirliklar, idoralar, korxonalar, tashkilotlar va ob'ektlarni o'z vakolatiga taalluqli masalalar bo'yicha tekshirishlarni belgilangan tartibda o'tkazish;

mamlakatimiz va chet el mutaxassislarini hududlarni, xavf-xatar mavjud bo'lgan ob'ektlar va ishlab chiqarishlarni davlat ekspertizasidan o'tkazishga jalb etish;

avariya-qutqaruv texnikasini yaratish, avariya va halokatlardan zarar ko'rgan aholini va hududlarni sog'lomlashtirish va tiklashga doir ishlarni amalga oshirish yuzasidan ish bajaruvchilar (firmalar) bilan, shu jumladan, xorijlik ish bajaruvchilar (firmalar) bilan belgilangan tartibda kontrakt (shartnoma)lar tuzish;

Qoraqalpog'iston Respublikasi Vazirlar Kengashi, hokimliklar bilan kelishilgan holda, boshqa sohalardagi favqulodda vaziyatlarni bartaraf etish ishlarini amalga oshirish uchun doimiy tayyorgarlikning zarur hududiy kuchlari va vositalarini jalb etish to'g'risida qarorlar qabul qilish.

O'zbekiston Respublikasi Favqulodda vaziyatlar vaziri:

vazirlik hamda unga qarashli korxonalar, muassasalar, tashkilotlar va tuzilmalar faoliyatiga rahbarlik qiladi, O'zbekiston Respublikasining davlat va boshqa organlari hamda tashkilotlarida, shuningdek, xalqaro tashkilotlarda Vazirlik nomidan vakillik qiladi;

vazir o‘rinbosarlari o‘rtasida vazifalarni taqsimlaydi, ularning javobgarlik darajalarini hamda Vazirlik tarkibiy bo‘linmalari rahbar-larining javobgarlik darajalarini belgilaydi, belgilangan xodimlar soni va mehnatga haq to‘lash fondi doirasida Vazirlik markaziy apparatining tuzilmasini va shtatlar ro‘yxatini shuningdek, tegishli davr uchun tasdiqlangan byudjet ajratmalari doirasida ularni mablag‘ bilan ta‘minlash xarajatlari smetasini tasdiqlaydi;

buyruqlar, direktivalar chiqaradi va ko‘rsatmalar beradi;

vazirlikning oliy ofitserlar tarkibi ishlaydigan lavozimlari ro‘yxati to‘g‘risida belgilangan tartibda takliflar kiritadi;

O‘zbekiston Respublikasi Prezidentiga ko‘rib chiqish uchun Favqulodda vaziyatlar vazirligi markaziy apparatida va unga qarashli tashkilotlarda oliy ofitserlar tarkibi ishlaydigan lavozimlarga tayinlashlar to‘g‘risida hamda xizmatni o‘tayotgan harbiy xizmatchilarni lavozimdan ozod qilish to‘g‘risida, ularga oliy ofitserlar tarkibi harbiy unvonlari berish to‘g‘risida, ularni harbiy xizmatdan bo‘shatish to‘g‘risida belgilangan tartibda takliflar kiritadi;

Mudofaa vazirligining ofitserlar tarkibi uchun belgilangan tartibda va muddatlarda ofitserlarga polkovnik (uni ham qo‘shgan holda) darajasigacha harbiy unvonlar beradi;

favqulodda vaziyatlar hududiy boshqarmalari (bo‘linmalari) boshliqlarini Qoraqalpog‘iston Respublikasi Vazirlar Kengashi Raisi, viloyatlar, shaharlar va tumanlar hokimlari bilan kelishgan holda lavozimiga tayinlaydi;

vazirlik tizimining alohida o‘rnak ko‘rsatgan xodimlarini davlat mukofotlari bilan taqdirlash hamda ularga faxriy unvonlar berish, shuningdek, idoraviy mukofotlar ta‘sis etish to‘g‘risida belgilangan tartibda takliflar kiritadi;

xodimlarni, shuningdek harbiy xizmatchilarni xizmat safarlariga, shu jumladan, O‘zbekiston Respublikasidan tashqaridagi xizmat safarlariga, belgilangan tartibda yuboradi;

Favqulodda vaziyatlar vazirligini mablag‘ bilan ta‘minlash uchun ajratiladigan kreditlarning bosh tasarrufchisi hisoblanadi;

davlat byudjeti hisobidan ajratilgan moddiy mablagʻlarni hamda xizmat resurslari uchun belgilangan muddatni oʻtab boʻlgan moddiy-texnik vositalarni roʻyxatdan chiqarishga oid hujjatlarni belgilangan tartibda tasdiqlaydi, obʻektlar, texnik vositalar, asbob-uskunalar va qurol-yarogʻlarga doir ishlab chiqilgan loyiha-smeta hujjatlari boʻyicha loyihalash va texnik xulosalar berish yuzasidan topshiriqlarni tasdiqlaydi;

avariya-qutqaruv tuzilmalari uchun qurol-yarogʻlarning, texnika va texnik vositalarning yangi turlarini loyihalash yuzasidan topshiriqlarni, shuningdek, ilmiy-tadqiqot va tajriba-konstruktorlik ishlari uchun taktik-texnik topshiriqlarni tasdiqlaydi.